

## Universitätsbibliothek Paderborn

**R. P. Cornelii Hazart Societatis Iesv Theologi Discursus  
Morales In Selectiora Loca Genesis, Exodi, Levitici,  
Numerorum**

**Hazart, Cornelius**

**Antverpiæ, 1688**

Discursus III. Iubet Rex Ægypti occidi omnes masculos Israëlitarum.

[urn:nbn:de:hbz:466:1-52700](#)

fruendas infidias, si quos intrepidos ad pericula subeunda, illis  
iudica quæque committunt, hi autem beneficium interpretantur  
se posse pro omnibus periclitari, magnoque sibi honori ducunt ac  
gloria, se dignos habitos qui possint in media morte per sclopeta,  
eniles, & hastas discurrere. Sic hæc in profana militia ita se ha-  
bent, quid mirum si Christus imperator noster generosos maxime  
animos, ideoque sibi chariores eligit ut illos asperis rebus exer-  
ceat?

Hierog præ cæteris in laude ponere debent stare intrepide in  
prima acie, contumelias verbaque probrofa, ut tela & faxa circa  
galeas crepitantia despiceret, contemnere stulta mundi judicia, de-  
nique omnibus incedere lætitias cum in medios hostes immittun-  
tur à duce. Hæc enim sunt quæ illos præ cæteris chariores Christo  
esse ostendunt.

Tales in exemplum ponit, ut doceant eos qui abjecto pusillo-  
quesunt animo, in istis quaestantopere horrent, injuriis, contu-  
molis, egestate, ærumnis, nihil esse terribile præter timorem,  
& hoc unicum esse solarium omnis miseria accerbitatem vel non  
esse gravem, vel brevem: Si enim ferri potest, levis est, si non  
potest, brevis est. Denique si opprimi durum est, quid glorio-  
sum vel optabilius quam per ipsam oppressionem magis crescere  
& elevari?

### DISCURSUS III.

*Iubet Rex Ægypti occidi omnes masculos Israëlitarum.*

**R**ex Ægyptius non contentus filios Israel tam duris operibus  
opprimere, videntis quod in dies magis crescerent ac multi-  
plicarentur, dirum crudelitatis genus excogitavit ut hoc impedi-  
ret. Audiamus quid hac de re dicat Scriptura.

*Dixit autem, inquit, Rex Ægypti obstetricibus Hebreorum, quorum  
una vocabatur Sephora, altera Phua, præcipiens eis: Quando obstetricabi-  
tis Hebreas, & partus tempus advenierit, si masculus fuerit, interficide, si  
femina, reservare.*

Plures erant in Ægypto obstetrics, duas tantum vocavit præ-  
cipias, quæ cæteris mentem ejus significant. Masculos tantum

F f

vole-

volebat occidi, quia ab illis sibi metuebat, ut prius indicarat, ne  
majores facti, sumerent arma, sese hostibus jungerent, & pugna-  
rent contra *Egyptios*; puellas vero servari volebat, quia ab illis  
nihil metuebat, volebatque illis postea abutri ad suas delicias, &  
rant enim longe formosiores & gratiose quam *Egyptie*.

Præcipuam hujus crudelitatis causam describit *Iosephus histori-*  
*cus Iudeus Lib. 2. Antiquit. cap. 5.* Quidam, inquit, ariolus præ-  
xerat regi nasciturum per id tempus apud *Israelitas* quandam pu-  
rum, scilicet *Moysen*, qui *Egyptios* graviter erat afflictus, & *Israe-*  
*lis* è contra enecturus, si modo ad ætatem adultam pervenire-  
nam & virtute & gloria præstantissimum fore ac celeberrimum.  
Quo terrore percitus rex, juxta illam prædictionem, jussit in-  
fici quidquid masculini inter *Israelitas* nasceretur.

Plane sicut *Herodes*, qui cum audisset ex tribus regibus, natu-  
esse puerum in *Bethlehem* qui esset rex *Iudeorum*, omnes infantes  
*Bethlehem* jussit occidi, ut inter cæteros natus ille puer inten-  
retur.

Sed quid *Egyptiacæ* obstetrices accepto regis mandato, egerunt  
*Timuerunt Deum*, inquit Scriptura, & non fecerunt juxta præcep-  
tum regis *Egypti*, sed conservabant mares.

**Timor Dei.** *Timuerunt Deum?* ergo non est mirum quod tantum scelos  
petrare noluerint, quia, ut ait *Ecclesiasticus* cap. 1. *Timor Domini ce-*  
*pellit peccatum.* In qua verba sic ait *Bernardus de Divers. Affl. in-*  
*me:* *Timor Domini*; inquit, expellit peccatum, sive quod ju-  
admissum est, sive quod tentat intrare, admissum expellit pa-  
tendo, alterum resistendo.

Primum patuit in bono latrone qui tam obduratus erat in fix-  
peccatis, ut prius cum socio suo *Christum* blasphemaret penden-  
tem in cruce; dicit enim *D. Mattheus* cap. 27, quod cum cæteris *de-*  
*dæs* clamaret: *Si filius Dei es descendere de cruce.* Nihilominus tam  
subito ita conversus est, ut meruerit audire à *Christo*: *Hodie meus  
eris in paradyso:* Ergo jam ab anima omne peccatum expulserat,  
dicit enim *D. Ioannes*: *Nihil coquinatum intrabit in regnum celo-*  
*rum.* Sed unde tam subita puritas ab omni peccato in tanto pe-  
catore? patet ex ipsis met verbis quæ ad alium latronem perfe-  
verantem in suis blasphemis, dicebat: *Neque tu times Deum?* qualiter  
diceret: Adhuc, jam proximus morti, non times Deum, sicut  
ego prius non timui? perditus es, sed tantus timor Dei me juri-  
corri-  
dam  
ut m  
Benn  
Id  
coen  
bant  
ut ve  
to ut  
inqui  
te ha  
lebat  
abo  
dam  
les,  
mod  
excit  
hanc  
mitta  
fruct  
Pe  
enim  
vera  
Q  
109,3  
ni, it  
in pe  
time  
elle p  
in su  
men  
mi J  
ratio  
lud e  
te in  
cott

corripuit, ut hunc hominem nobiscum pendentem in cruce, credam & confiteat Deum, ideo defleo peccata mea, & rogo illum ut meminerit mei cum venerit in regnum suum: Ecce quod ait Bernardus: *Timor Domini expellit peccatum admissum.*

Idcirco cum S. Ioannes Baptista suos auditores excitare vellet ad poenitentiam: *Facite, inquit, fructus dignos penitentiae:* Accurrebant ad illum magno numero peccatores tam obdurati in malo, ut vocaret illos *genimina viperarum.* Sed quo medio, aut argumento utebatur ut illos ad detestationem peccatorum induceret? *Iam,* inquit, *securis ad radicem arboris posita est.* Non videtur prima fronte hæc similitudo convenire cum eo quod prius intendebat: Volebat enim prius habere fructus dignos penitentiae, & jam dicit arborum excindendam. Quando ab arbore aliqua fructus expectamus, apponimus simum radici, irrigatur, putantur rami inutilles, radix semper manet intacta, & numquam excinditur: Quomodo ergo Ioannes dicit securum ad radicem positam esse ut arbor excindatur, cum tamen velit habere fructus? Vult, inquit Chrysostomus timorem illis incutere fore ut excindantur & in ignem mittantur, ut per illum timorem expellant peccata, & faciant fructus dignos penitentiae.

Per excisionem intelligit mortem, per ignem, infernum, non enim video quid efficiacius excoxitari possit ut peccator fese convertat, quam timor mortis & inferni.

Quid possit timor mortis docet Idiota Lib. de Contemplat. Mort. 173 dum ait: *Nihil tam revocat à peccato quam cogitatio mortis.*

Incerta est hora mortis, potes enim singulis momentis mori, itaque si hoc momento graviter peccas, potes hoc momento in peccato mori, & quis peccabit qui sic timet mori? aut si non timet, atheus est, quia non credit post hanc vitam penas statutas esse peccatis: Si credit, plusquam insanus est, si non timet mori in suis peccatis, & penas non curat.

Quis Christianus est qui nescit statim post mortem, eo momento quo egreditur anima, sistentium se coram tribunali supremi Judicis, ibique reddendam strictissimam peccatorum omnium rationem? numquid si timeas mortem ut certissimam viam ad illud examen, sollicitus eris ut res tuas componas, ut judex nihil inventiat quod possit condemnare?

Quid est mors nisi finis omnium mundi voluptatum ac vanitatis?

Ff 2

nita-

nitatum? si mortem times, facile omnes voluptates ac vanitates contemnes quas mors omni momento tibi potest cripere.

Hoc est quod *Ioannes Baptista* suis auditoribus prædicabat: Teme ne arbor vitæ vestræ exscindatur (quia omni momento securis mortis ad radicem posita est) & facietis fructus dignos punitientiæ.

Non minus efficax remedium ad expellenda peccata est timor inferni quem etiam *Ioannes* suis ponebat ob oculos dicens: *Omnis arbor quæ non facit fructum bonum in ignem mittetur.* Eo ipso quo quis peccat, fit hostis Dei, & reus supplicii infernalis: Quantum diffit infernus à tali homine? non amplius quam uno halitu, & hic halitus in manu Dei consistit, subtrahat manum, certo certius ruit in ignes æternos: Quis non horreat si serio secum hæc cogitet?

Time ergo, & siex illo timore peccatorum tuorum te non poniteat, homo non es, sedrupes, quæ inter medias tempestates, & mille navigantium angores, manet immota.

Denique, *Initium sapientie timor Domini*, inquit *Ecclesiasticus* 1, adeoque non tantum expellit peccatum, sed etiam planta omne genus virtutum in anima. Hinc quia obstetrices *Egypti* imbeant Deum, tam animosæ fuerunt, ut non curarent regis mandatum, & tam misericordes ut quos ille jubebat occidi infantes, servarent in vita.

Ubi rex hoc intellexit, accersuis ad se, ait: *Quidnam est quod cere voluistis ut pueros servaretis?* Que responderunt: *Nont sunt Hebrei, sicut Egyptia mulieres, ipse enim obstetricandi habent scientiam, & priusquam veniamus, pariunt.*

Mendacium erat, adeoque peccatum. Putat tamen *Abbas Puperus* hoc mendacium non fuisse peccatum, quia ex charitate, inquit, procedebat, sed errat, quia ut alias fuse probavi, numquam nullam ob causam, nullam ob rem, licet mentiri.

Difficultas tamen est quomodo obstetrices illæ peccaverint, cum Scriptura dicat expresse quod mercedem à Deo accepterint. Dicit enim: *Benefecit Deus obstetricibus, & adificavit illas domos.*

Respondeo, scripturam addere rationem hujus mercedis, scilicet, quia timuerant Deum & ex illo timore, tot actus misericordiæ fecerant quot infantes servaverant.

Ex hoc loco Scripturæ sic arguo: Quando homo ex parte sua facit quod in se est, Deus ex parte sua faciet quod in se est, hoc est non carebit homo ille mercede sua sive spirituali, seu temporali: Patet clare in istis obstetricibus: Erant illæ, ut communis omnium pœne opinio est, paganæ, & tamen Deus benedixit illis, eisque domos ædificavit.

Per benedictionem intelligunt multi gratias spirituales sive di-  
vinas, per quas, inquit *Dionysius Carthusianus* ad cultum veri Dei  
conversæ sunt, & meruerunt vitam æternam, ut ait *Abulensis*.

Perædificationem vero domorum intelligunt interpretes bona  
temporalia, amplam familiam, dignitates, honores, divitias.

Quid fecerant ut tantum mercedem acciperent? non occide-  
bant masculos *Israëlitas* in partu: Hoc autem faciebant solo ductu  
naturæ ac rationis quo compassionem commotæ, videbant nimis  
crudele esse, & inhumanum, & irrationabile tot innocentes pue-  
rulos interficere, ergo faciebant ex sua parte quod in se erat, ho-  
mines enim erant, & nihil homini quatenus homo est magis con-  
venit quam compas-*sio*, hanc enim nulla bestia habet, consequen-  
ter illæ obstetrices pueris compatiendo, fecerunt quod in se erat:  
Ideo etiam Deus fecit ex sua parte quod in se erat quando illud  
opus bonum earum remuneravit non tantum temporalibus bonis,  
sed etiam spiritualibus, adjuvando illas gratia sua ut ad veri Dei  
notitiam, & ad vitam æternam pervenirent.

Hinc etiam patet quod non omnes actus infidelium, sint peccata.  
Quamvis enim *Apostolus Paulus Rom. cap. 14* dicat: *Omne quod non*  
*est ex fide peccatum est*, non sic intelligi debet quod infidelis in quo-  
libet actu peccet, sed quidquid facit vel ad finem, vel ex motivo,  
vel ad protestationem infidelitatis, illud omne peccatum est. V.G.  
aliquis *Turca* dat eleemosynam, jejunat, vel orat ad hunc finem ut  
eius secta servetur, istius eleemosyna, jejunium, & oratio, pecca-  
tum mortale est. Vel dat eleemosynam ex illo motivo quod *Alco-  
rum* ipsius hoc imperet, & illud peccatum est. Vel denique gerit  
veltem ex qua dico scitur esse *Mahometanus*, vel peregrinatur ad  
sepulchrum *Mahometis*, ut illud honoret & hoc peccatum est.

Si vero instigante natura eleemosynam det ex compassionē, ut  
pauperis vitam sustentet, talis non peccat, sed facit opus bonum  
naturale, & facit quod in se est, facit enim quod proprium est & in-  
natum naturæ humanæ.

Ff 3

Hinc

Hinc etiam sequitur quod natus in sylvis, ubi nulla Christi notitia, salvabitur, si faciat quod in se est, salvabitur tametsi Deus ad illum mittere deberet Angelum vel prædicatorem qui illi viam salutis ostenderet: Exemplum habemus in Cornelio Centurione Actor, cap. 10: Hic ethnicus existens faciebat quod in se erat, cum eleemosynas daret, & oraret: Naturâ illum ad hoc instigante; missus fuit ad eum Petrus Apostolus per revelationem divinam ut illum plenius in fide instrueret. Exemplum etiam habes in Nabuchodonosore: Hicerat idololatra, & tamen dicebat illi Propheta Daniel: Peccata tua eleemosynis redime: fac eleemosynas, & peccata tua delebuntur, hoc est, disponent te ad Contritionem peccatorum tuorum, quia Deus non deerit tibi ex parte sua ut cor tuum moveat, non ex merito tuo, sed ex misericordia sua.

Nec mirum: Dicit enim Deus: Tu fecisti quod naturalis ratio tibi suggestit, ego volo facere quod natura mea mihi suggerit: Natura autem mea est, misereri semper & parcere: vult enim Deus benefaciendo hominem superare: Si ergo homo bene facit, etiam solo ductu naturæ instinctus, Deus illi benefacit ultra quam homo mereatur.

Sic ait de ethnicis obstetricibus *Egypti D. Hieronymus*, quod Deus illis contulerit virtutes spirituales, hoc est, illas converterit ad fidem & cultum veri Dei propter compassionem naturalem quam habuerant cum infantibus *Israëlitarum*.

Hinc tamen non sequitur quod vita æterna acquiri possit viribus naturalibus, nec quod vitæ naturalis finis sit vita æterna, nec quod aliquis salvari possit sine gratia Dei præveniente, sed quod opera bona facta ductu naturæ aliquo modo disponere possint hominem ut Deus illi misereatur, sicuti misertus est mulieribus iis *Egyptiis*.

Falsum est ergo omnes infidelium actiones esse peccata, remuneravit enim Deus obstetrics *Egypti* propter compassionem illarum, ergo illa compassio non erat peccatum, sed opus bonum, scilicet naturale, per quod illæ mulieres se disposuerant ut Deus ex misericordia sua illis conferret gratiam ut se converterent.

Præcepit ergo Pharaon, inquit ulterius Scriptura, omni populo suo, dicens: Quidquid masculini sexus natum fuerit, projicite in flumen, quidquid feminini, reservate.

Sed illud mandatum non videtur diu durasse, ut summum, ut putant

putant interpres, ad quatuor annos quibus Rex ille novus postea vixit, quo mortuo, qui illi successit, revocatum est, & ita mansit revocatum quamdiu Israelite fuerunt in Egypto, cum enim inde exirent, inventa fuere multa millia puerorum, & juvenum.

## DISCURSUS IV.

Nascitur Moyses, & exponitur in fiscella juxta fluvium Nilum.

**I**nter hasce crudelitates nascitur Moyses, & singulari providentia Dei, servatur à morte. Pater ejus erat de stirpe Levi nomine Amram, Mater vero vocabatur Iacobeda, quæ cum Moysen peperisset, vidissetque puerum esse admodum elegantem, abscondit tribus mensibus, sed cum ultra, inquit Scriptura, celare non posset, sumpit fiscellam scirpeam, & linivit eam bitumine ac pice, posuitque intus infantulum, & exposuit illum in carecta ripa fluminis, stante procul sorore ejus, & considerante eventum rei.

Erat hæc fiscella quasi arcula parva, ut habet textus *Hebraicus*, contexta ex juncis, sive viminibus, & ne aqua posset intrare, obliterata bitumine ac pice, posuerintque illam cum puerō in ripa fluminis inter arundines, ita ut ab impetu fluminis abripi non posset. Deinde submissa fuit à Matre soror *Moysis, Maria*, decem aut duodecim annorum puella quæ curam illius haberet, & observaret de longe rei eventum. Hanc mater instruxerat quid agere deberet aut dicere, nimirum si quem *Egyptium* transiuntem videret qui pueri misericordia moveretur, & cjuſ servandi modum quæreret, illi propriam matrem nutricem offerret.

Contigit ergo, inquit Scriptura, ut descenderet filia Pharaonis, ut lavaretur in flumine, & puella ejus gradiebantur per crepidinem alvei. Inter vagandum & deambulandum offendunt istam fiscellam, & nuntiant Reginae suæ. Hæc fiscellam conspicata, uni ex pedisfus mandavit ut eam afferret ad se. Cum vero ea aperta in ea invenerit infantem pulcherrimum, *Hebreum* esse cognovit, propter Regis edictum projectum in flumen, misericordiaque permota, statuit illi vitam donare: Ubi hoc audiit soror *Moysis Maria*, quæ non procul inde stabat, statim accurrit, rogavitque num vellet vocari *Hebraam* mulierem, cui traderetur puer nutrientis: Annuit filia